

咸豐六年十月十三日

93

奏



奏為恭謝

天恩事本月十二日文慶等奏

實錄館出力人員臣子翰林院修撰翁同龢奉

上諭著俟散館後遇有升缺開列在前欽此竊臣縑

緗世守詩禮家傳素餐常愧夫鵜梁式穀敢期

夫燕翼臣子同龢學疏握槩識陋傾螽備末秩

於雲司忝紬書於

天祿誦千函之

寶訓敷陳而炳若日星紀卅載之

神功尋繹而浩如淵海書經三寫歲閱七周分程方慮

其稽遲課績每虞其漏略屬以句臚奏第幸換

臣翁心存跪

職於清班茲當

鉅典慶成復仰邀乎

異數敬業正勤夫芸館升階遙指夫蓬山超年資而  
許列前行準省牒而曾無故事念微臣以編摩舊職

已膺

懋賞之世延而臣子以校勘微勞更沐

隆施之曲逮

恩有加而無已躬自省以難安臣惟有勛以讀書勉  
其立品束圭璧而時勤磨錯期毋負

盛朝教養之隆勵菑畲而勿競功名冀稍酬

大造生成之厚所有管感激下忱理合繕摺具

奏謹率同臣子同龢泥首

宮門叩謝

天恩伏乞

皇上聖鑒謹

奏

咸豐六年十一月十三日



